

## Бизни ётган жойимиздан ким қўзғатди?!



05:03 / 28.11.2018 3525

Аллоҳ таоло Ёсин сурасида шундай марҳамат қилади:

الرَّحْمَنُ وَعَدَّ مَا هَذَا مُرْقَدًا مِنْ بَعَثْنَا مَنْ نُوَيِّلْنَا قَالَُوا

الرُّسُلُ وَصَدَقَ ٥٢

«Улар: «Воҳ, шўримиз қурисин! Бизни ётган жойимиздан ким қўзғатди?! Бу Роҳман ваъда қилган ва (юборилган) расуллар тасдиқлаган нарса-ку?!» - дерлар (52-оят).

Бошларига тушганда кўзлари очилиб, ҳушлари жойига келади. Исрофил алайҳиссалом дудга иккинчи бор пуфлаганидан кейин қабрларидан шошилиб чиққан кофирлар ҳайрон бўлиб:

**«Воҳ, шўримиз қурисин! Бизни ётган жойимиздан ким қўзғатди?!»**

Ўлиб, кўмилиб ётган жойимиздан ким чиқарди?!» – дейдилар. Бир оздан сўнг гап нимада эканини фаҳмлаб етиб:

**«Бу Роҳман ваъда қилган... нарса-ку!»** – дейдилар.

Аллоҳ бизга ўлгандан сўнг тирилиб, қабрдан чиқишни ваъда қилган эди. Бу худди шунинг ўзи-ку!

**«...ва (юборилган) расуллар тасдиқлаган нарса-ку?!» - дерлар».**

«Бизга келган пайғамбарлар ҳам ўлгандан кейин тирилиш ҳақ эканини айтган эдилар, бу ишлар ўшанинг ўзгинаси-ку», – дейдилар.